

枝江縣志卷之十六

人物志

中

儒行

明

楊一新邑太平鄉人也正德間從王陽明先生講學於南贛多所發明爲姚江門下高弟與弟一敬一貫皆以經學名世自號懷陽子著有懷陽集學約學統臆說道安樓集等書行世

毛穎美邑增生號中山持行端方重然諾尤好施與遇

枝江縣志

卷之十六

人物志中

一

飢寒者輒衣食之里人有陷非罪私捐囊金以贖崇禎朝蔡公正菴來督楚學每於緘闈考試令諸生於卷面注某人劣時朱生之翰歿已久矣未經報故同號生私謂穎美以朱塞責穎美正色曰死友何可欺遂於卷面自注懶學二字江陵某與穎美爲友屢困童子試鄉里共以爲笑其父督令易業某不敢歸穎美亟詣其父請曰公子終當騰達何遽令易業爲其父反之遂於是歲入庠中崇禎癸酉鄉魁其成人之美如此

國朝

楊開泰字兆元邑庠生以德行文章重於鄉里順治庚寅辛卯間西山流寇未靖所過鄉村焚掠殆遍聞開泰賢不過其門並縱還所掠鄉人賊平移居澗洲授徒自給自亂離後俗狃於用武不尙詩書開泰獨理舊業爲鄉里倡學者靡然從之性耿介不事生計雖終日絕饗宴如也

楊毓貞字完璞邑百里洲人狀貌魁梧姿性敏捷於書無不讀中順治甲午舉人已亥進士告假歸遷居於

枝江縣志

卷之十六

人物志中

二

潛江閉戶讀書期於適用數奇卒年四十九

曹廷鎬字西伯康熙乙酉舉人一上公車不第卽絕意進取家居授徒以躬行實踐爲本學者宗之著有四

書講義

府學宮入  
鄉賢祠

李世蔚字方山七歲能書弱冠補諸生僦居郡城與胡觀察在恪遊在恪每心折之世蔚嘗夢緋衣人謂之曰子宗臣後身也寤而語人曰吾才遠不逮子相意

者三十六其死屆期果卒著有蓉湖草堂集

見湖北  
詩佩

楊際春字震生邑百里洲人賦性慷慨不事家人生產

文章華贍冠絕一時嘗私輯縣志司李某稱之年三十六卒時論惜焉

楊士瓊庠生字息六邑津洲人性通敏能爲古文辭究心理學尤善訓迪設教郡城成名者不下數十人江陵侍御魯贊元其尤著者也晚喜遊山水或頻年忘歸有前後赤壁賦注釋一圃詩草行世

曹渚字在洲號丹坪乾隆辛酉拔貢授長陽縣教諭性純孝學業誠篤嘗謂人曰昔司馬溫公教劉器之以不妄語始此言誠千古準繩也蓋人多妄語則其心

枝江縣志

卷之十六

人物志中

三

必肆終身不可以人德矣未滿考卽告歸設教家塾遊其門者咸有成就卒年八十四

曹濡乾隆辛酉拔貢選某省直隸州州判辭不赴少孤力學事繼母以孝聞江南北士多出其門

曹湖蓮字滙川廷鎬孫也學識淹通克嗣祖訓中乾隆乙酉副榜堂弟湘蓮永治皆爲所成

曹湘蓮字郢川號桂圃中乾隆丙午舉人歷任南漳天門縣教諭曹氏潛心理學獨宗朱子自湘蓮愈暢厥旨於小學近思錄皆體驗真純孝感喬太史遠炳稱

爲五經儀表歸里後設教家塾士多歸之教人以敦  
品爲先作文規仿先正前後著錄者不下百人親授  
諸弟浦蓮成進士永治泳蓮貢成均皆學識精練而  
規行矩步稱其家風晚年小軒養靜品行高潔士林  
重之著有明史節畧粹盤錄諸書年八十三無疾卒  
預戒家人無得作佛事

熊銘邑廩生祖家正以廩生膺鄉飲大賓父紀祖亦廩  
生卓有文聲銘性廉介幼承庭訓親歿撫諸弟課讀  
自贍邑宰汪公重其品遣子就學有携白金求關說

枝江縣志

卷之十六

人物志中

四

者峻拒之精醫術活人無算不受謝鄉里賢之

唐良柱字公臺歲貢生性孝友授徒於鄉不與外事尤  
慕義行凡施藥濟人修橋利涉諸事無不踴躍爲之  
每遇歲歉必減價糶穀以賑鄉里縣令程永冽獎以  
善行可風額卒年八十四子三世賡世揚世觀俱庠  
生

彭延紘字昭度邑庠生少孤力學孝友廉正重於時

何如川字方至邑廩生潛心理學教授生徒不計脩脯  
出其門者多知名士子其寬事母袁氏至孝以禮自

守不履公庭教族姓以法遇孤寡困窮輒分財卹之  
縣令楊于果贈以廉教式師額

陳上會監生邑陳家河人生而聰穎喜讀書善屬文屢  
試秋闈不售松滋龐月溪洵及鄉先達宋荆山楚望  
曹在洲渚俱重之爲序其惜陰軒稿以傳與修王志  
多所採輯

龔應徵字介福號用菴儀表端重能詩善書父老兄歿  
早理家政入貲爲藩理問待人公正里黨有爭訟者  
片言釋之晚更屏棄俗務詩酒自娛蒔花栽竹與二

枝江縣志

卷之十六

人物志中

五

三同心談藝論文卓有識鑒精歧黃凡貧病無力者  
皆就其家診視一一爲之調理年七十一卒之夕遺  
囑其子孫畢端坐而逝

敖相原名絳字海門邑拔貢生居城市潔己好修足不  
涉公庭晚年汲引後學有請業者膏火不繼解囊助  
之士以此卒業且成名者實繁有徒與修謝志卒年  
六十七

□□藻字瀛槎歲貢生世居邑城代有聞人至藻益績  
學礪廉隅敖相其所私淑也行誼俱似之數奇不售

年五十七卒無子

高誼

周

陸通字接輿楚人也好養性躬耕以爲食楚昭王時通見楚政無常乃佯狂不仕故時人謂之楚狂孔子適楚接輿游其門而歌孔子下車欲與之言趨而避之不得與之言楚王聞陸通賢遣使者持金百鎰車馬二駟往聘通曰王請先生治江南通笑而不應使者去乃變名易姓游諸名山食桂櫝實服黃菁子隱蜀

枝江縣志

卷之十六

人物志中

六

峨嵋山壽數百年俗傳以爲仙云

節錄皇甫謐高士傳

晉

劉盛公枝江人桓司空臨州與上佐遊靈溪盛公詣市

還着皂蓋布裙以芰荷屐詣桓司空

庾仲雅荆州記

宋

劉凝之字志安小名長年南郡枝江人也父期公衡陽太守兄盛公高尚不仕凝之慕老萊嚴子陵爲人推家財與弟及兄子立屋於野外非其力不食州里重其德行元嘉初徵爲秘書郎不就臨川王義慶衡陽

王義季鎮江陵並遣使存問凝之答書頓首稱僕不  
修民禮人或譏焉凝之曰昔老萊向楚玉稱僕嚴陵  
亦抗禮光武未聞巢許稱臣堯舜時戴顓與衡陽王  
義季書亦稱僕荊州年饑義季慮凝之餒斃餉錢十  
萬凝之大喜將錢至市門觀有飢色者悉分與之俄  
頃立盡性好山水一旦攜妻子泛江湖隱居衡山之  
陽登高嶺絕人迹爲小屋居之采藥服食妻子皆從  
其志元嘉二十五年卒時年五十九

宋書隱  
逸傳

明

枝江縣志

卷之十六

人物志中

七

劉士英

湖北通志  
作世英

洪武初以文學名於時然圭組之心  
不勝其邁軸之志潛德弗耀不干仕進其古之隱君  
子乎

王練嘉靖時拔貢授浙江上虞縣縣丞恥爲佐貳卽告  
歸家居出入不張蓋不用肩輿人或問之則曰恐負  
朝廷名器耳卒年八十五

國朝

曹文聰性謙謹接人公平好善樂施遠近稱長者至今  
子孫繁衍爲邑鼎族

曹約生邑百里洲人明末流賊張獻忠剽掠爲害約生  
膂力過人聚鄉中子弟防護一洲全活甚眾子廷鑑  
貢生廷欽廩生

李靖祥字永珍邑江口人性純篤與人無疾言忤色家  
素貧中年遂富甲一鄉樂施予成梁修道歲必舉行  
冬則賑卹凍餒暮夜相遺人無知者枝邑學宮當嘉  
慶時已頹朽過半矣前令黃臺倡議重修靖祥願獨  
任之出金千餘兩以其子光玉光德監理壯麗倍前  
嘗慕范文正公義田事於祖墓置祭田公諸族爲子

枝江縣志

卷之十六

人物志中

八

姓膏火資及冠昏喪祭之無力者族人賴之以子光  
廷千總職

勅封武畧騎尉學宮議叙晉

封武德騎尉卒年九十四今其孫曾多列膠庠候選訓  
導明錕光德子也

李訢邑庠生上百里洲人世隸屯籍父正綱武庠器識  
閱達乾隆末年屯情疲苦獨力造糧艘濟運兄宏道  
亦武庠沈毅果確承運十餘載漕憲嘉其能訢尤尙  
氣節道光庚寅辛卯年隄決歲饑路殫相望慨然籲

大府籌款築隄以代賑計募典商及董市殷富千餘金不濟復請發倉穀數百石以繼之坐是賠累家大窘而嘯歌自適泊如也生平疊遭坎壈持守綦嚴老年好學嘗謂多讀書可增長氣骨研精醫術蓄藥樂施其濟人也若將弗及者然卒年八十一

程其灝字沛源邑董灘人少業儒屢試不遇遂專意於詩家貧訓蒙自給董市爲邑巨鎮人多殷富其灝布衣疏食雖絕爨未嘗干人具知人鑒安陸李公廷錫落拓市上人無憐者其灝延之於家典質款留近半

枝江縣志

卷之十六

人物志中

九

載無倦意不十年李成進士由州縣洊陞至陝西糧道延其灝往至則李他出遂棄之歸贖贈無所受年六十餘卒著有愛日堂詩草及聽松集

熊文錦字泰章枝江人父暎秀業醫行其術於宜郡之東湖縣文錦隨侍愛河西偏巖山林之勝遂家焉性端嚴動定有常則雖大暑雨張蓋不傾欵宜之人咸

欽重之卒年九十四

見東湖志

耆壽

梁

張元始邑上津鄉人年一百一十六歲膂力過人進食不異至年九十七乃生兒兒遂無影將亡人人告別乃至山林樹木處處履行少日而終時人以爲知命

湘東王愛奇重異遂留其枕

志以津鄉爲枝邑地故從南史蕭暎傳補入

國朝

章士介邑九道河人現年九十五精神矍鑠亦人瑞也章啟光邑九道河人現年九十二耳目聰明期頤可卜張紹榮邑洋溪人現年八十九妻熊氏現年八十七夫婦俱近耄期精力尙健子四昌璽入邑庠昌瑾入郡

枝江縣志

卷之十六

人物志中

十

庠四婦皆元娶繞膝承歡一堂雍睦

鄧應輝邑冉家岡人性坦易善頤養年今八十有七而康勝倍之

黎必瑗字玉珍邑黎家山人性慈惠遇困窮不能葬者輒與之棺現年七十八妻劉氏現年八十眼見五代和順一門

謹按 會典未屆百歲五世同堂者令督撫分別年歲給與匾額緞疋銀兩嘉慶二十年刑部副郎吳公榮光之祖母易氏五世同堂由本部代奏移咨禮部

照例題准

旌表載入禮部則例茲黎必瑗夫婦齊眉五世同堂故  
並記之

枝江縣志

卷之十六

人物志中

十一